



DESCUIDO A CAUSA TRAGEDIA CU A MATA TRES ASTRONAUTA DI APOLO-1

CABO KENNEDY- UPI--Un comision cu ta forma-
door di tecnicoan destaca a atribui ayera na un
chispa electrica e desastre cu a causa morto di
tres astronauta dje Cosmonave Apolo-1, pero e
comision a critica tambe numeroso deficiencia-
nan dje nave espacial.

E informe definitivo dje con-
sejo cu ta abarca un total di
200 pagina, ta aclara cu e de-
ficiencia precisa cu a precipita
incendio quizas lo por determi-
nase cu exactitud.

E desastre cu ta esun di mas
hor cu hamas a ser registra den
historia dje vuelonan espacial
orteamericana a costa bida dje
astronautanan Virgil Grissom, E-
dward White y Roger B. Chaffee.

E comision quende su 10 miem-
bronan a dedica nan 10 siman lar-
na un investigacion di mas ex-
haustiva, a declara cu e examen-
nan practica ta revela masha hopi
deficiencia di disenjo i carac-
ter mecanico, di manufactura y
control di calidadnan den e
capsula.

Aunke cu e informe no ta per-
titi na yega na un conclusion
definitiva riba e causa inmedia-
ta dje tragedia, ta existi seis
factor cu por a conduci e apar-
to na un incendio cu a desvasta
interior dje cosmonave, con-
sumiendo e astronautanan".

--E hecho cu e cabina tabata
hermeticamente cerra y colan di
oxigeno puro a presion.

--Existencia di muchu material
inflamable den interior dje cabi-

--Presencia di cabelan elec-
trico "vulnerable" den e cosmo-
nave.

--Un sistema vulnerable di-
beria pa destrui un refrigerador
combustible y corrosivo",
forma pa un mescla di awa
alcohol.

--Falta di medidanan adecuado
segura evacuacion dje tripula-
cion.

--Previsionnan inadecuado pa
caso, ausencia medica dje
astronautanan.

Despues di a enmera e factor-
nan cu a precipita e desastre
durante un "ensayo rutinario"
terra, e comision a analiza e
circunstancianan cu ta permiti
un junction di hopi deficiencia i
a agrega:

"Un cuidadosa consideracion
punto ei ta induci e comision
a conclusion di cu den su devo-
cion na e numero so y difi-
cilemanan dje viajenan espa-
cial, e equipo Apolo no a presta
atencion adecuada na cierto ke-
sionnan mundana, pero igualmen-
te vital relativan na seguridad
de tripulacion.

E comision ta masha preocupa
sobra su descripcion dje defec-
cionnan dje programa Apolo, cu a
ba e condicionnan existente den
momentu di Apolo 204 (e ac-
cidente cu e cosmonave a sufri)
ser interpreta manera un acu-
sacion contra tur e programa-
cion di vuelo espacial tripula-
cion y sencia dje cantidad di per-

sonanan asocia na e programa.

Nada no ta mas leu dje propo-
sicionnan dje comision.

Trabao dje comision tabata pa
busca e errornan den e progra-
ma mayor y mas complejo di
investigacion y desarrollo cu ha-
mas a ser emprendi. E informee i
prome cu e presenta un imagen
total dje programa, a concen-
tra den e deficiencianan descu-
bri.

E documento voluminoso acom-
panja pa 200 portret, major parti
di nan na color, a ser distribui
na cahanan di carton cu tin un
tamanjo di alrededor 25 centime-
ter, pa 27 y pa 37.

Su redaccion a ser companja
pa e medidanan di mas estricto
di seguridad conoci den e base
espacial aqui, caminda e tres as-
tronautanan a perece un luna pro-
me di inicia nan vuelo inicial,
abordo dje cosmonave Apolo, co-
mo prome paso pa e descenso ri-
ba luna.

E comision ta bisa cu e incen-
dio a cuminsa den e rincón in-
terior izquierdo dje cabina, chi-
kitu, cerca di caminda cu e co-
mandante dje expedicion Grissom
tabata. Despues e vlamnan a
extende na e muraja izquierda
y a sigui pa e dak.

Como 18 seconde despues di e-
saqui un dje astronautanan, cu pro-
bablemente lo tabata Chaffee, a
comunica comienzo dje confala-
gracion. Tur comunicacion den-
ter dje capsula y e vecino cen-
tro di control a queda interrup-
ti.

E informe ta bisa cu segun tur
indicio, e candela a cuminsa den
un manjo di kabelnan situa parti
abao di un porta di acceso na e
cabina. Nan ta quere cu e aisla-
miento dje telefon dje cablanan a
ser danja pa rascamiento, proba-
blemente como consecuencia di e
tantisimo vez cu e porta tabata
abri cerra.

E contacto cu a ser ocasiona
pa motibu dje cabel pela, cual
a ocasiona chispanan y esaki a
cende e material combustible
vecino.

E informe a senjala: "E co-
mision a comproba numeroso e-
hemplonan di deficiencia den e in-
stalacion, disenjo y fabricacion
dje kabelnan.

Despues nan a referi na e de-
fencionnan ey y ta revela cu hasta
un interruptor abandona den-
ter di dos manjo di kabel den e
cosmonave.

Prome anuncio dje incendio a
ser registra 4,7 seconde despues
di 6,31 di atardi, ora cu un astro-
nauta, cu nan ta quere cu ta Gri-
ssom a grita: "Hay.. Oh fuego".

"Nos ta combatiendo un mal
candela- salba nos".

"Nos tin un encendio... Salba



Un socket a ser hafia durante e investigacionnan entre wayanan electrico den e cohete Apolo-1 qu a kima
matando tres astronauta. E comision qu ta investigando e caso a declara qu muy probablemente un chispa
electrico como resultado di falta di suficiente atencion y control den e equipo, a causa e tragedia- UPI
Radiophoto.

nos... Nos ta quima".

"Mi ta denuncia cu nos tin un
mal candela... Salba nos."

E informe oficial ta bisa cu e
transmision cu a conclui cu un
grito di dolor, cu nan ta kere ta-
bata di Chaffee.

E trahadornan cu tabata den e
toren pega cu e cosmonave, cu a
ser monta den e cohete Saturno
1, a pasa presuradamente na e
luga di catastrofe. Algun seconde
mas despues e vlamnan a envol-
vi na e capsula espacial y e tra-

hadornan temiendo cu lo e cai,
a hui bandona nan instalacionnan.
E tecnico y obreronan a regresa
di inmediata pa trata di salba e
tripulantenan cu ta trampa den
e interior, pa trata di rescata
den Apolo 1, y 90 seconde despues
cu nan a tuma nota dje incendio
cu a intencion na bandona esco-
tillanan dje nave.

Cincu minuut despues cu e en-
cendio a ser descubri, tabata po-
sible na abri e escotilla principal.
Pero na principio no por a deter-

mina situacion dje tripulacion, asi
na e informe a bisa.

Ora cu finalmente nan a hanja
e cadavernan, Grissom tabata den
piso dje cabina. White tabata bao
dje escotilla y Chaffee a queda
den su stul di mando.

Mediconan a calcula cu e astro-
nautanan a perde conocimiento al-
rededor di 30 seconde despues cu
e conflagracion a cuminsa i nan
tabata imprimeablemente perdi
den termino di cuater minuto.

LIECHTENSTEIN SU EHERCITO TA SER REFORZA

VADUZ--UPI--E tropanan di se-
guridad di e Principado Liech-
tenstein lo ser aumenta cu un
tercera parti, y asina nan lo au-
menta na 28 homber, enbes di 21
sin conta e cachonan di polis a-
serca.....

Gobierno di e pais minuscuro
aki na Europa, a aproba "en
principio" e solicitud di parti
di e comando di e "cuerpo
di seguridad", aunque no mes
tantu qu nan a pidi, pasobra nan

lo reforza e cuerpo cu siete
homber enbes di e nuebenan qu
a ser pidi.

E cuerpo aki ta ehercito, polis
y na mesun tempu e guardia di
palacio di Liechtenstein, y nan
trabao ta di mantene paz y orden
entre e binti mil habitantenan di
e principado. E refuerzo a ser
pidi pasobra trafico riba carrete-
ranan a aumenta y e indice di
criminalidad ta eubiendo.

MANAGUA --UPI-- Minister di
Economia, Ernesto Navarro Ri-
cherdsen awe a anucia cu Gobier-
no no ta permiti aumentu di e prijs
di lechi a razon di 20 dollar cent
pa liter manera ta ser preten-
de.

E prijs lo siqui mescos. E
aumento proyecta a provoca pro-
testa di publico cual a menasa
cu manifestacionnan popular.

FATUM

Pa tur bo aseguranan
Tel. 1845

ARUBA CARIBBEAN HOTEL-CASINO



PRESENTS
till Sunday april 16th

The Magnificent Frenchi Singing of
LYNDA GLORIA
Dancing with George Fasola
& Orchestra.

Coffeeshop open from
6 a.m. - 4 a.m.

Shows begins at 8.30 p.m.
Klompn Klub open 7-2 p.m.
Reserve your table in time
Call 2250.

Hotel aruba
CASINO
CARIBBEAN

IN THE BALI BAR

COMBO TONO CRIALES.



Departement van Onderwijs

Examens MODERNE BEDRIJFSADMINISTRATIE, BOEKHOUDEN, HANDELSCORRESPONDENTIE en HOOFDCORRESPONDENT, uitgaande van de Stichting Nederlandse Associatie voor Praktijkexamens, te houden in de maand juni 1967 op Curacao en Aruba. Kandidaten dienen zich vóór 1 mei a.s. schriftelijk op te geven bij het Departement van Onderwijs, Curacao, onder vermelding van hun adres.

Voorts dienen zij over te leggen een uittreksel uit het geboortenregister of een bewijs van inschrijving in het bevolkingsregister en het bewijs van storting van het examengeld (examens Boekhouden en Handelscorrespondentie f. 20.--, examen Moderne Bedrijfsadministratie f. 25.--, examen Hoofdcorrespondent f. 30.--).

Tenslotte delen zij mede of zij aan het afg- en/of avonddexamen wensen deel te nemen.

N.B. Betaling dient te geschieden door storting of overschrijving van het examengeld op rekening no. 2067 bij de N.V. Edwards Henriquez & Co's Bank, Curacao, ten name van de Stichting Nederlandse Associatie voor Praktijkexamens.

Eenmaal betaalde examengelden worden niet teruggegeven. Bij aangifte voor het examen Moderne Bedrijfsadministratie dient het praktijkdiploma Boekhouden te worden overgelegd. Voor de examens Moderne Bedrijfsadministratie en Spaanse handelscorrespondentie bestaan geen avondexamens.

De Inspecteur van het Onderwijs,
P.T.M. Sprockel.

IMPOSIBLE pero BERDAD



Si señora casi hende NO por kere. E harifa di Calidad GOLD MEDAL huntu cu su IN-SUPERABLE harifa di traha bolo BETTY CROCKER ta ofrece na pueblo di Aruba gratis completamente gratis lo siguiente.

Cu SOLAMENTE 50 puntos (envolturas di cualquier tamaño - cada liber ta UN punto) di e famoso harifa GOLD MEDAL bo por obtene UN Portaviana grandi di Aluminio OF 1 dozijs di bunita Glas di bebe awa. Y pa SOLAMENTE 6 Coupon (Box Top - Tapa di Arriba) di cualquier paki di e delicioso harifa prepara pa Bolo bo por obtene e mes articulonnan mencioná. Cumpra awe mes bo Harifa GOLD MEDAL of pakinan di exquísito Bolo Betty CROCKER y probetha di e oferta aki SIN PAGA NADA. Pa cambio acudi na su Agente: ARENDS AGENCIES den Wilhelminastraat na Playa.

GRATE, completamente sin costo. Cambia bo etiketanan di GOBLIN pa bunita regalos cerca su agente.


ARENDS AGENCIES den Wilhelminastraat na Playa. Tin bunita glas di bebe awa, juguetes, cos dushi, portavian-

das y lo keda bin mas regalos. Usa GOBLIN HAMBURGERS, MEATBALLS y otro cumindanan, pasobra nan ta mas mehor. Mira bon: Bo ta haya MAS pa bo placa!

DE VEER THEATER

aire-acondicioná ta presenta:
awenochi 11 di April

THE MAN FROM U.N.C.L.E.
is sensational
on the
BIG
screen
in color!



SAM'S SUPERMARKET

- * Completamente "Self-Service"
- * Productionan di calidad na prijsnan rebahá.

Hendrikstraat 28,
tel. 1541.

PAS ONTVANGEN
Dames slacks en
blouses
Healthtex kinder-
kleding

PALAI ORIENTAL

Oranjestad-San Nicolas

NOBO NOBO NOBO

NASSAUSTRAT 34

Nos a cabi ricibi tela nobo No-press Material, Katuna Drip-Dry cu disenjos fantastico. Bunita Kaanchi den colornan nobo. E moda awendia ta Printed Volles, cu no ta machika. For di Hulanda nos a ricibi Tela liso pa cortina.

BASKETBALL

PA COPA JULIANA

(Di Nos Redactor Deportivo)
ORANJESTAD - Pa e equiponan femenino y esunnan masculino clase A. e directiva di Aruba Basketball Bond a organisa un torneo eliminatorio pa e anual Copa Juliana. Diarazon dia 19 di april e torneo pa damas ta cuminsa cu e wega entre Vallant y Aruba Jrs ariba tereno di Estrella. Esakinan lo dicidi ganador A. Ariba e siguiente diavie ne e torneo ta continua cu e wega femenino entre Wimco y Caribe sigi pa e prome wega di e torneo masculino entre Esso y Plymouth.

Dialuna 24 di april e equipo femenino di Plymouth lo enfrente ganador A, mientras cu entre Aruba Jrs y Blue Stars lo worde dicidi ganador B masculino. E finalnan lo worde hunga diarazon dia 26 di april ariba tereno di Caribe. E segundo y tercer fecha e weganen lo ta respectivamente ariba tereno di Tivoli y Aruba Jrs.

PRINCESA ALEXANDER VAN HOHENLOHE NA ARUBA

ORANJESTAD - Nos a ricibi e noticia cu Princesa Alexander Van Hohenlohe lo jega Aruba awe tardi pa cinc'or y cinco. E princesa lo bishita Aruba riba invitacion di sr. Morris de Woskin. E princesa lo hospeda den Aruba Caribbean Hotel. E biaha di regreso lo ta dia 17 di april pa cinco pa siete di anochi. E princesa lo worde ricibi na aeropuerto pa sr. Nicolas Pinja Lampe, hefe di departamento di informacion di gobierno di Aruba como representante di Bestuurscollege. Diarazon dia 12 di april pa 2.30 lo e worde ricibi pa gezaghebber O.S. Henriquez na su oficina. Segun nos tin entendi e princesa tambe lo tuma parti den un tour rond di nos isla ofreci pa oficina di turismo aunke e dia preciso pa e tour aki no a worde publica ainda. Princesa Alexander von Hohenlohe tambe tabata huesped di premier J. Pengel na Surinam.

PELICULA NAN PA MUCHA

ORANJESTAD - Filmdienst di territorio insular di Aruba ta presenta durante luna di april e prome parti di e pellicula "Meesters van Venus". E segunda parti di e pellicula aki lo worde presenta durante luna di mei. Prome cu e pellicula aki lo tin presentacion di "Up-to-date". E presentacionnan lo ta diavie ne dia 14 di april riba e patio di St. Annaschool na Noord, diarazon 19 di april den Club Surinam na San Nicolas y diavie ne 28 di april den Openlucht Bioscoop na Oranjestad. Presentacion di e pelliculanen aki ta pa siet'or y cuarto y entrada ta binti cinco cent.

DETENCION

SAN NICOLAS - Recherche di San Nicolas a detene un joven di diesseis anja en coneccion cu hortamentu di un bicicleta. Tambe un homber di 23 anja cu dade largu a keda deteni como cu e no por larga cos di otro hende para na su lugar.

Candela na Tanki Flip

TANKI FLIP - Diavie ne polisnan mester a drenta accion rapidamente na Tanki Flip pa paga candela na un stoof y cual candela tabata menasa pa bira mas grandi. No tabatin mester di brandspuit pa paga e candela aki.

OTRO ACTO BAJO

PARADERA - Diavie ne anochi vandalista(nan) a bolbe comete un acto bajo net despues di e reunion di Partido Patriotico Arubano. E persona(nan) aki a mira e posibilidad di bolbe pone algun barrio di Aruba sin facilidadnan electrico. Parse cu e vandalista(nan) tabatin esaki planea y cu mas o menos na mes momento cu e luz a worde interumpi e telefon publico cu tini na Paradera a ser kibra. Esaki ta un acto cu tur bon ciudadano ta condena severamente. Nos ta bibando riba un isla caminda ta reina un gobierno democratico. Tur hende aki na Antillas tin libertad di palabra y ta un acto berdaderamente deplorable cu mester ocuri semejante clase di actonan durante di un reunion publico. Nos ta kere cu tur partido politico tin mes derecho di tene su reunion sin cu esaki mester worde interumpi pa motibu di persona(nan) sin sentido comun. Ta di spera cu autoridadnan di polis lo pone man mas pronto posibel riba e individuo(nan) aki y asina caba cu e bagamunderianan aki.

Candela den club

SAN NICOLAS - Diasabra madrugada pa mas o menos cinc'or a inicia un candela parti pafor di "Club Orquidea" na San Nicolas. Den veranda di e club menciona tabatin algun caha bashi, stoel y algun blaadtji cu tabata kiman-do. Ta reina un sospecho cu e candela aki a worde ocasiona pa un persona cu intencionnan maligno. Brandspuit di San Nicolas a paga e candela inmediatamente. Recherche ta investigando e caso aki.

CHAUFFEUR FUMA

CURACABAI - Otro chauffeur cu tabata maneha bau di influencia di bebida a ocasiona un accidente diavie ne atardi tres'or y binticincu riba caminda grandi na altura di Noord Curacabai. E danjo material ta Fls. 320.-, un tras di otro

Pickup a bolter

ORANJESTAD - Diavie ne merdia pa diesdos'or y mei un pickup a bolter na e crusada Rondweg-Dadelstraat na Dakota ocasionando un total di danjo material di Fls. 800.-. E chauffeur di e vehiculo aki tabata bau di influencia di bebida.

PALU DI BASORA COMO ARMA

ORANJESTAD - Un dama a presenta na warda di recherche na Oranjestad pa duna keho contra di su querido esposo kende a bai asina leu na duna e dama un aire di sota.

Pa motibunan desconoci pa nos, e homber a hanja cu e dama tabata merece sia, ela pasa man pa un palu di basora y a lembe e dama un paar den cabes. Polis a dunele un procesverbaal.

Tata a keha jiu

TANKI LEENDERT - Un tata a presenta na warda di recherche na Oranjestad diasabra pa duna keho contra di su yiu homber di 24 anja. A sosode cu e yiu aki a jega cas bao di influencia di bebida y kier a mustru tur hende den cas cu ya e ta basta grandi y cu e tin bastante forza. Ela cuminsa ta kibra tur meubel den cas. P'e sa cu tin homber cu mas forza cu'e, polisnan a garelé y a dunele un cuarto gratis.

HOMBER A PERDIDA DEDE

SERU COLORADO - Un incidente penoso a ocuri diadomingo na Rodgers Beach na Seru Colorado. Un caballero cu tabata teniendo su curpa den condicio cu e deporte di skie, tabatin mala suerte cu na un dade momentu un di su dedenan di man a pega den e cabulla y door di rankada di e boto e caballero aki a perde pida dede. Ta comprende cu ela sufrí un dolor tremendo.

Ladron cantu di laman...

PALM BEACH - Donjo dia bato a duna keho na recherche di Oranjestad cu ladronnan bishita tres di su botonan na a bai cu dos anker, un carborator y un coil. E botonan a tabata mara na Palm Beach. caso aki tambe ta bau di investigacion di polis. Durante e weekend cu a pasa autoridadnan di polis a parti 58 procesverbaal duna 17 asistencia y tres persona a hanja skwal cerca polis nan.

BUURT CENTRUM ZUID BONAM A HABRI TERRENO Y CLUBHUIS

WILLEMSTAD. -- Ayera main- ta tabatin inauguracion di ter- reno y club di Buurt Centrum Zuid Bonam na Zapateer. Tabatin gran interes pa e oca- sion aki.

Primeramente Harold Anastatia, secretario di BC Zuid Bonam tabata introduci e actonan di e programa.

Primeramente tabatin introduc- cion di e grupo di drumband di Maria College y AMG y des- pues e clubnan.

E prome paso tabata hisamentu di bandera di Antillas y di Hulan- da. Despues a sigi e bandera di Shell Curacao, cu a coopera en gran parti pa inauguracion di e club y terreno nobo pa Zuid Bonam. E parti mas nechi den bandera tabata presentacion di e bande-

ra di e barrio di Zuid Bonam su Buurt Centrum.

Esaki tabata un palu di watapa- na den cual tabatin un hacha. Su color ta bandera oranje cu e palu y hacha color pretu.

Sr. Anastatia despues a presen- ta e oradornan invita pa e pro- grama aki.

E prome persona cu a papia na e ocasion aki tabata sr. Pieters Kwiers diputado. El a bisa, cu ultimo tempu teritorio insular di Corsouw ta dedica hopi tempu pa deporte di Corsouw, especial- mente terrenonan den barrionan di uos isla. El a felicita e directi- va di Buurt Centrum cu e tra- baonan hasi cu awor nan por ta asina leu.

E siguiente orador tabata senior van Kampen di Shell. E orador aki a cuminsa pa muestra cu aki na Corsouw, hopi hende ta mira Shell como un sorto di San Nico- las, pero cu esaki ta completa- mente equivoca. Shell ta un in- stancia cu ta duna su apoyo, asina el a sigi bisa, pero pro- me cu yega asina leu nan ta bai studia si e club, of organisacion cu a hasi un peticion ta bai ha- si esey berdaderamente.

El a muestra cu Bonam tabata un di esnan cu tabata merece esaki y esey ta e motibu cu nana hanja- cooperacion. Nana muestra con BC Bonam a traha o sea reconstrui e club bieu di ASCA y cu awor nan por ta asina leu cu ayera taba- tin tantu inauguracion di terreno como di un club nobo.

E siguiente orador tabata Sr. J. Martina, presidente di Buurt Cen- trum Curacao. Primeramente e orador aki a muestra e impor- tancia di un Buurt Centrum, cual tey pa educa habitantenan di ba- rionan, pa trece nan huntu cu nan por biba y hasi tur cos den ar- monia cu otro.

El a papia di e bandera di Bonam, cu awor cu nana introduci esey cu un simbolo masha bu- nita den forma di un palu y un ha- cha. Cu tabata e palu di watapa- na, cu ta masha conoci riba nos



Referee Elvio Schoop ta papia cu capitannan di e equiponan Willibrordus na man robes y Bonam na man grechí prome cu e partido inaugural a cuminsa.

isla. El a bisa cu mester kap e palu prome y despues por saca e lata y balkinan for di dje, cu cual por cuminsa construccion di tur cos.

A sigi un brindis pa e ocasion aki prome di a introduci e dos otro oradornan. Despues di e tuma champaña a presenta, Pastoor Streefkerk como orador. Ereve- rendo aki a muestra cu hopi pa- piamentu ta manda hende sonjo y tabata corto den su discurso.

El a gradici tur e personanan cu a duna nan cooperacion pa Buurt Centrum Zuid Bonam y a felicita e directiva cu awor ta sina leu cu nan trabaoonan.

E ultimo orador di e programa tabata senior Eldrid Capella, presidente di Buurt Centrum Zuid Bonam.

Ela cuminsa na yama tur e invi- tadonan bonbini y a gradici tur e

personanan cu a duna nan coope- racion den forma asina laudable. Palabranan di elogio pa bai pa Shell cu a muestra interes pa duna nan cooperacion y tambe terito- rio insular cu a laga legalisa e terreno pa nan.

El a pidi sr. diputado Kwiers y Sr. van Kampen pa hiba palabra- nan di gradicimientu pa Gobierno di Corsouw y Shell respectiva- mente pa tur loke a ser hasi cu awe nan Buurt Centrum ta po- see dos cos grandi y importante. Despues dje e clubnan a bandona filanan y diputado Kwiers den presencia di Madrina di Buurt Centrum Sr. Juliana Martina, Elfrid Capella y Pieterella dos miembro di directiva a compan- ja subi terreno huntu cu referee Schoop pa hasi e prome saque.

E resultado di e knockout cu tabatin pa e ocasion ey tabata como siguiente.

Zuid Bonam ta gana Willibror- dus cu un auto gol 1-0.

Boca Sami ta gana Brievengat 3-2 den penalty.

Centro Buena Vista a gana San- ta Maria 2-0.

Durante e partido Boca Sami- Zuid Bonam tabatin un incidente di parti di Boca y referee a declara Zuid Bonam ganador.

E final a bai entre Centro Bue- na Vista y Zuid Bonam. E mu- chanan di Boeboechi Isenia a gana e partido y tambe e knockout cu score di 2-0.

Cu e victoria ey tambe nan a bira donjo di un bunita trofeo cu a ser pone disponibel pa Shell Curacao N.V.

Awe nochí, nan lo pasa un film di e apertura aki, den e progra- ma siet'or. Nos pabien ta bai pa Buurt Centrum Zuid Bonam, pa nan terreno nobo y tambe nan clubhuis.



Elfrid Capella, presidente di Buurt Centrum Zuid Bonam ta dirigi palabranan e invitadonan, na apertura di Buurt Centrum Zuid Bonam.



Riba e foto aki nos por mira e equipo di Boeboechi Isenia, Centro Buena Vista cu ayera a gana Zuid Bonam den e partido final di e knockout cu a ser organisa como parti di e inauguracion di terreno y club- huis di Buurt Centrum Zuid Bonam.

KEHO DI DESTRUCCION

ORANJESTAD - Chauffeur di un auto a presenta na warda di polis na Oranjestad pa duna keho cu un persona a destrui e man di porta di su auto. Investigando e caso polis a descubri cu tabata trata aki di un homber cu tabata bao di influencia di bebida y kende a cuminsa cu un marcha di destruccion.

Ora cu ela caba di destrui e man di porta di e auto ela bira pa un cas y ora cu polisnan a yega nan a hanjele ta bati e porta di e cas aki cu pia. Polisnan a ponele den un cel netji asina pa su curpa dre- cha.

Auto contra muralla

ORANJESTAD - Diasabra mar- duga pa un'or y binticinco un auto di dienst a slip den Wilhel- minastraat y a core dal contra muralla di un cas. E danjo ma- terial ta Fls. 500,-. Pa un'or y mei di marduga riba e mesun dia tabatin otro slipmentu di auto. Esaki riba Fergusonstraat na altura di A.T.C. Garage, caminda un auto di familia a bai pega riba e brug. E danjo material ta Fls. 700,-. E dama chauffeur di e vehiculo aki ta- bata keha di dolor na e parti ariba di su pia fobez y ela keda den hospital pa observacion.

Donjo di bar a hanja stul den cabez.

ORANJESTAD - Diavierne un homber a tuma basta bebida al- coholico y ora cu un hende ta den e condicionnan aki, facil- mente nan ta rabia y cuminsa manda tur locual nan por pone man riba dje. E homber aki a cuminsa na kibra algun boter di bebida y ora cu e donjo di e negoshi a trata di stop'e, ela- pasa man pa un stoel y a klap'e donjo cu e den cabez. Ora cu polisnan jega ainda e homber aki tabata bastante obstina y pa seguridad polisnan a dunele un cuarto gratis pa su rabia baha.

ABBA A HASI MAL PAPEL

SAN NICOLAS - Pa diadomingo atardi den Lone Palm Stadium tabatin programa pa tuma lugar e segundo partido di baseball clase dobbel A entre Little Rock y Zenith. E partido aki no por a tuma lugar pa e siguiente moti- bunan. Numero uno: dos'or, ora cu e wegá tabata programa pa cuminsa, no tabatin ni sikiera e basenan coloca na nan lugar riba tereno. E umpirenan ken- denan si tabati prome cu dos'or no por a haci nada. Binti pasa di dos, ora cu e basenan a jega e umpirenan a dicidi di bai con- trola e tereno y observando cu esaki no tabata marca y ademá den un condicion peligroso pa jugadornan, e cuarteto di umpi- renan a dicidi di cancela e par- tido.

Bisando cu nan no por dirigi un wegá di baseball riba un te- reno den condicionnan manera esaki, un decision cu nos ta hanja completamente justifica. Huntu cu e observacion di um- pirenan nos lo kier a agrega otro observacion. Nos ta hanja cu Lone Palm Stadium ta dema- siado peligroso pa e publico a- mante di baseball. Antes e tri- bina tabata worde protega pa un waya Pero awor e waya aki no t'eí mas y observando con- serca di homeplate e tribuna ta, cuakier persona cu bai tereno pa mira un partido di baseball, lo por hanja un baseball den su cabez, ya cu no tin nada pa taha un foulball.

E dos equiponan di baseball tabata riba tereno tur tempran cu ta posibel, debidamente uni- forma y decidido pa duna un bon batalla. Fanaticonan di baseball di tur parti di Aruba a acudi den gran cantidad pa presencia e de- but di Little Rock den clase dobbel A. Desapunta tur esaki- nan mester a bolbe cas ya cu pa motibu cu e persona cu tabata encarga pa pone e tereno den condicion pa hunga no a cumpli debidamente cu su labor, e par- tido mester a worde cancela.

Awor nos ta puntra no tin coo- peracion entre e directiva di ABBA? Parse cu no tin organisa- cion tampoco y puntualidad menos ya cu ta te cuartu pa tres e dos equiponan a worde informa ofi- cialmente cu nan partido mes- ter a worde cancela. No ta nos intencion di ataca ningun organo deportivo, pero seniores si nos kier pa e caliber di baseball subi un poco aki na Aruba anto mester cuminsa traha den un forma diferente cu antes. Cual- kier persona lo bisa cu un di- rectiva no tin culpa cu su juga- dornan no ta presta bon pelota. Pero nos kier sabi si cosnan sigi manera diadomingo ultimo cu ki moral e muchanan lo subi tereno den e proximo wegá. Fi- nalmente, hende bieu sa bisa cu ora cu un cos cuminsa mucho bon, eta caba malu. Larga nos spera cu e campeonato di base- ball clase dobbel cu a cuminsa

PRESENTA

PA:



Jong Colombia tabata superior di e campeon arubano Dakota

WILLEMSTAD, -- Jong Colombia a bolbe demostra su superioridad riba e equipo nan arubano, ora cu diasabra anochi nan a derrota e campeonnan di Arubano Dakota cu score di cuater-cero. Na final di e prome tempu e score tabata 3-0.

Segun informacionnan obtene Scherpenheuvel tambe a gana su partido, pa asina hunto cu Jong Colombia nan ta empata na cabes di e posicionnan cu cinco punto cada uno. Dakota y Bubali te ainda tin un punto den e torneo aki, cual tabata fruto di un empate cu nan tabatin contra otro.

Un biaha mas tabatin un gran publico pa presencia e partido correspondiente na Copa Antillana. E partido tabata basta interesante. Jong Colombia tabata manera nan ta bisa na hulandes "heer en meester" riba tereno.

For di cuminsamentu nan a cuminsa ataca e gol di Dakota, cu no ta e mesun Dakota cu a participa den e torneo antillano anja pasa. Nan produccion ta menos y e combinacionnan no tabata asina efectivo, esdecir contra Jong Colombia, cu a presenta cu un equipo hopi potente, no obstante nan tabata falta Virgilio Wowo Constancia y Jose Constancia. Di e ultimo hungador aki nos a ser informa, cu su condicion a drecha basta.

E prome atake ta bini di parti di Jong Colombia. Duggan hunto cu Victoria y Papi Martina tabata e hombernan principal den atake, hunto cu Ibi Martina.

Den varios ocasion nan ta yega te dilanti gol di Dakota, pero e defensasnan Alvin Sleur (ex Jong Holland), Jenny Lofstok y Urbano Kock tabata bon na nan puesto. Especialmente Sleur, quende ta di estatura corticu. E hungador aki tabata move hopi, defendiendo cu alma y curpa contra e veloz colombianonan.

E dakotanonan tambe tabata forma combinacionnan pa busca anotacion contra e doble campeonnan, pero semper nan tabata faya for di e lifa mei mei, cu tabata ocupa pa Wilfred Constancia y Elsie Martina.

E homber grandi den defensa di Jong Colombia un biaha mas tabata Antonio Bonifacio, quende no solamente tabata duna gran wega den defensa, sino cu e tabata move mei mei y hasta den e parti ofensivo di su club.

Aki pues nos por mira den defensa ta forma parti den henter e alineacion, cambiando puesto for di patras te dilanti. Nos ta spera cu e hungador aki por mantene e ritmo aki di wega, ya cu sin lugar a duda e ta un pilar pa su equipo.

Segun nos observacion, Antonio Bonifacio, ta e miho defensa di Corsouw actualmente.

Jong Colombia na di diesdos minuut ta marca e prome tantu di e partido y esey tambe tabata suficiente pa nan logra e dos puntonan cu tabatin disponible pa e encuentro aki.

Oswin Escolastica riba ala robes ta domina e bala y hasi un pase pa Erwin Duggan, quende na su turno ta drecha e bala y ta manda un tiru cu tur tranquilidad riba gol. E cuero ta dal den pali gol drechi y bai den net. No a tarda mucho cu Jong Colombia ta obtene su segundotanto.

E biaha aki tabata Victoria, quende ta aproba un shot di Papi Martina pa e deposita e cuero den net y sigura e victoria di Jong Colombia.

E dakotanonan ta cuminsa move cu mas rapides riba tereno, tratando semper di anota maski ta un gol contra.

E lifa delantera, forma pa Karel Tromp, Hildo Jacobs, Richard Jacobs, Victor Zimmerman y Tirso Steba, tabata combina cu hopi rapides y especialmente cu nan tabata utiliza e tactica di pasenan largu, pero yegando dilanti gol, nan tabata falla cu mas pasenan.

Nan wega tabata visto y esey tambe a evita nan di por a marca maske ta un gol.

Faltando diesun minuut pa termina e periodo inicial, Jong Colombia ta hasi su tercer anotacion ora cu portero Yubi Richardson faya pa tene un tiru di e rematador Erwin Duggan.

E ultimo hungador aki ta manda un shot di haltu riba e portero. Den posicion un poco perta e trata di tene e bala, pero e ta faya y e bala ta bini bek den tereno.

E rechtsbuiten Papi Martina, cu a spera tal hugada, ta corre rapid: y ta schuif e bala den huki contrario pa vence portero Yubi Richardson.

Na e mesun tempu aki tambe



Francisco Bernadina ta drenta na lugar di Oswin Escolastica. Cu score di tres-cero e prome tempu ta termina na fabor di e campeonnan di Corsouw, Jong Colombia.

Despues cu e segundo periodo a ser inicia, Dakota ta hanja un oportunidad grandi, ora cu un defensa di Jong Colombia, comete penalty.

Richard Jacobs ta posiciona su mes tras di e bala, pero lastimamente ta tira e cuero lastra cu pali gol den out. Tabata reina masha alegria di parti di e fanaticonan di Jong Colombia, ya cu di e manera ey, e arubananan a faya pa conquista e gol di honor.

Ta sigi ataque di tur dos banda Jong Colombia, hungando cubientu contra, tabata hasi pasenan mas efectivo y tabata hunga cu mas calma.

Facilmente nan tabata corre cu e cuero riba tereno, sin cu e arubananan di Dakota por a kita esaki. Den varios ocasion, e campeonnan local tabata hasi mal pasenan y esey a deduci pa e arubananan kita e bala.

Faltando tres minuut pa termina e encuentro, Jong Colombia ta score nan cuarto gol di e encuentro, y esaki a ser hasi pa Ibi Martina, quende tambe ta un di e hombernan

clave den delantera di Jong Colombia.

Cu esaki, Dakota ta sufrir su segundo derrota den tres partido, cual tabata primeramente contra e subcampeonnan di Corsouw y awor contra e campeonnan.

E posicionnan actual ta asina Jong Colombia y Scherpenheuvel empata na prome puesto cu cinco punto, mientras cu Dakota y Bubali cada uno tin un punto.

Diarason awor Scherpenheuvel ta enfrenta Jong Colombia den Stadion, mientras e dos equipos nan arubano ta enfrenta otro den Wilhelmina Stadion.



Diadomingo anochi Casa Venezuela a ofrece e promer festival artistico cu a hala un publico cu ta ser calcula entre 800 pa 1000 persona. Entusiasmo e hendenan presente a disfruta di e actuacion di varios agrupacion musical local mientras cu e gran actuacion di ayera nochi tabata esun di Simon Diaz quende a tene un dialogo cu Ruyfo. Especialmente e chistenan di e duo comico venezolano a cala na grado di e publico presente qu despues di e velada artistica a balla riba tononan di un conchunto local.

Domino di San Jacobs a hiba Heinekens na triunfo di 1-0 riba Esso

ESSO TA LARGA BON OPORTUNIDAD BAI PERDI

SAN NICOLAS - Diadomingo mainta den Lago Sportpark tabatin e apertura oficial di e campeonato local di baseball dobbel A. Un publico basta grandi a acudi na tereno pa presencia e actuacion di e dos equiponan cu ta favorito pa gana e campeonato local di baseball dobbel A. Durante di e parti oficial di apertura sr. Mateo Reyes, presidente di e directiva di Lago Sport Park, a extende tur bon deseo na tur e equiponan participante y alaves ela expresa deseo pa tur e weganan worde celebra den un ambiente cordial y amistoso.

Durante di su discurso sr. Alex Hoo como representante di ABBA a gradici Lago carinosamente, como cu esaki un blaha mas tabata dispuesto na permiti ABBA celebra algun di su partidonan den Lago Sport Park. Palabra di gratitud especial sr. Hoo a expresa na directiva di Lago pa e permiso concedi na ABBA di por cobra na porta pa presencia partidonan di baseball dobbel A. Tabata sr. H. Siegele, vicepresidente di Lago Oil & Transport Company, e persona indica pa a lansa e prome bala. Cu un lansamiento di un berdadero pelotero, sr. Siegele oficialmente a habri e campeonato. Nos a observa cu durante e apertura aki no tabatin ni desfile di e equiponan participante, ni tocamentu di himno nacional, ni tampoco nos a mira ningun persona pa representa e reina

di deporte, kende actualmente ta na Venezuela. Nos ta hanja cu si e campeonato di baseball Little League a inicia cu un desfile tan formidabel, hisamentu di bandera y tocamentu di himno nacional etc. etc., anto tabata mas cu deber cu e apertura di nos baseball dobbel A tamben por tabatin algu di mas solemnidad. Esaki tabata un falta di negligencia barbaro di parti di ABBA.

SAM JACOBS A FLANKEA ESSO Den e promer partido di e campeonato, manera tur hende tabata spera, Heinekens a confia e wegana e corpotente pitcher derecho, orgullo di Aruba, Sam Jacobs. Esso a designa Emiliano Jansen pa habri e wegana contra di su rival di tur tempu. Durante cuater inning y dos tercio Emiliano a impone un absoluto riba e bateadornan di Heinekens.

Den di quinto inning despues di dos out Simeon Bryon a embasa pa error di leftfield y Bryon ta jega te segunda base. E siguiente bateador I. Mohamed a conecta un canjonaso di hit pa center empujando Bryon cu e prome carrera di e campeonato y alavez e unico di e partido. Sam ta hanjele den dificultad den di octavo inning ora cu Esso ta coloca coreadornan na tercera y segunda sin out. Cu su experiencia y tur sorte di tactica Sam ta sail for di e inning sin

ningun anotacion en contra. Den di nobeno inning Esso ta boibe menasa pero cu lansamiento rapido Sam Jacobs ta contene e bateria recio di Esso. Tabata un partido sumamente interesante, for di cuminsamentu te na final y ningun fanatico no kier a bandona tribuna prome cu Sam a domina e ultimo bateador di Esso pa e out final di e partido. E mejor bateador di e partido tabata I. Mohamed di Heinekens kende a conecta dos hit den dos turno oficial na bate incluyendo un doble. E numeritosan final, pa Heinekens: un carrera, cuater hit y tres error y pa Esso cero carrera cuater hit y tres pila.

Pitcher ganador Sam Jacobs y perdedor Emiliano Jansen. Jansen a hanja relevo den di ultimo di Rufus Arrindell.

Derota aplastante pa Hillman Vets

SAN NICOLAS - Diadomingo atardi den Lago Sport Park tabatin continuacion di e campeonato local di softball femenino organiza pa directiva di Lago Sportpark. E partido a bai entre e rivalnan di semper, Zenith y Hillman Vets. Un publico grandi a sinta mira con e damanan di Zenith a descarga nan bateria riba esnan di Hillman Vets, derrotandonan cu e score abulta di 10-1.

Zenith a ataca dos pitcher di Hillman Vets cu diez hits, encabeza pa J. Hazel kende a conecta tres hit den cuatro turno oficial na bate. E cantidad abundante di carrera di Zenith tabata

debi hopi na e cantidad di errornan costoso cu e damanan di Hillman a comete. Vets a comete seis pila, mientras Zenith a pila dos blaha. Susana Martinez a impone un dominio completo riba e damanan di Vets, permitiendone unicamente tres hit. E pitcher perdedora Silvia Dirksz, kende a hanja relevo di Ilse Zaandam den di quinto inning, no tabata por a resisti e powerhouse di Zenith. E partido aki tabata sumamente interesante, pa motibo cu tanto Zenith como Vets te ainda ta den e pelea pa e puesto di honor, ocupa actualmente pa Dakota Stars. Cu e victoria di diadomingo Ze-

SENSACIONAL
Oferta
Pa Luna Di April
20 pfa Tubo Galv.
(1/2" - 2")
Masonite Azetá
(4' x 8")
Helm di Aluminium
CONCORD
Veri Latex
Herment pa HOFFIE
15% di Rebajo
CASH
ARUBA
HARDWARE C.V.
O' Stad 1057-2247
San Nic. 5666

nith awor ta empata cu Hillman Vets cu tres gana y dos perdi na segundo puesto. Na promer lugar ta figura e equipodi Dakota Stars cu cuater triunfo y un derrota. Red Stars te ainda no a conoce e sabor di triunfo. E campeonato aki ta continua awe nochí cu dos partido masculino y otro femenino. Den e promer encuentro e caballeronan di Little Rock ta subi tereno contra di San Nicolas Reds pa siet'or y cuarto y pa och'or y cuarto e damanan di Zenith ta enfrenta Red Stars.

MSV A GANA WILLEMSTAD DEN FINAL DI TORNEO MILITAR

WILLEMSTAD- Cu un enorme interes di publico, e final di e torneo di futbol di Marina a tuma lugar, diadomingo atardi riba tereno di Asiento na Rust en Burgh, entre e equiponan MSV y Willemstad. Notable ta cu, tur e weganan cu e equipo MSV a hunga e ultimo tempunan aki ta hanja masha hopi interes di publico, loke ta un hecho cu e equipo aki, cual ta ser contra den teamnan mas fuerte, no afilia na CVB ta sumamente popular.

Ni un hende menos cu e Commandant di Zeemacht di Antillas Neerlandes, Commandeur A.J. De Graaff, a haci e promer saque. Marinierskapel a tuma e muziek na su encargo. E wegana aki, cual lamentablemente no tabata di caliber alto, a finalisa cu e resultado di 3-0 pa MSV cu ta bien mereci. Cu esaki e team militar a tuma revancha pa e derrota di 2-3 cu nan a sufrí algun tempo pasá riba tereno di Willemstad.

NERVIO

E accionnan, no a bira loke e fanaticonan a spera. Esaki tabata un duelo nervioso, loke a rebaha calidad di e wegana enormemente. MSV a cuminsa rapidamente pa hanja dominio riba su contrincante for di cuminsamentu. Sinembargo esaki no a ser lográ, como e defensa di Willemstad tabata den bon condicion y tambe como e kier cu e hungadornan di MSV no tabata coopera bon cu otro. A consecuencia di hopi nervio y como nan tabata hunga mucho purá no tabatin construccion den e wegana. Indiscutiblemente e defensa tabata mas fuerte.

E fanaticonan militar kende a spera di hanja un revanche grandi casi por a jora, como nan linja di atake tabata sin forsa contra e defensanan berde cu blancu. Despues di e sosiego, e mes ritmo di wegana a ser mantené, pero awor si e militarnan tabatin mas exito. Despues di 6 minuut, e links buiten Heithuis, un novato den e

equipo a hasi e score 1-0. Cu un tiro chikitu Van der Meer a haci e score 2-0 y despues di esaki e equipo a hanja mas confianza. Willemstad a purba tur cu tin pa trece cambio den e score aki, loke a resultá un tarea infructuoso contra e defensa.

Principalmente e back Rensen tabata tur caminda pareu y a ser bon asistí pa Koolen, Smit y Daalhuizen. Ocho minuut prome cu e wegana terminá, Halvemaan, kende a tuma posicion di links-binnen despues di sosiego a kita tur speranza for di Willemstad, ta pone e score na 3-0. Esaki tabata fin tambe di e wegana tan nervioso aki.

Commandeur A.J. de Graaff a gradici e team di referee-nan despues di e wegana, cual tabata Boegman, kende a conduci un wegana excelente, Pex y Hoef y directiva di e departamentu di futbol di Asiento como cu espontaneamente nan a pone nan tereno disponible.



Ela expresa su alegria, cu tabatin tantu interes pa e wegana aki. E tabatin palabranan di elogio pa e Sargeant Marinier George Dittmer, cual a organisá e torneo na un manera excelente.


Nos di nos parti ke agregá cu e hungadornan di futbol di marine tin un lider excelente den persona di Sr. Dittmer, kende ta bon mirá pa tur organisacion di Corsow y ta un persona aprecia, loke ta contribui hopi pa promove e bon comprendementu entre civilnan y militarnan.

Despues di su speech, e Commandeur a entregá e beker, cual tabata disponé door di dje mès, na e captain di MSV, e back-central Rensen. MSV por mira atras riba un torneo exitoso, bon organisá.

Algo notable tabata cu no solamente na e prome y delaster wegana, pero pa tur e weganan tabata tin masha interés di publico.



E hues y abogado di Richard Speck ta formalmente den accion



E homber na man robes ta hues Herbert C. Paschen, quende ta presidi e caso contra Richard Speck, quende ta ser acusa di a mata ocho enfermera. A tuma seis siman pa selecta un hurado pa husga e caso. Na man drechi nos ta mira e abogado defensor Gerald Getty, e homber cu a logra scapa tur su clientenan pa cual nan a pidi e pena capital, for di stoel electrico of kamber di gas. Su oponente den e caso aki ta e fiscal William Martin -- UPI Radiophoto --

NA BELGICA TAMBE TABATIN ESTORBO DURANTE BISHITA DI HUBERT HUMPHREY

BRUSELAS -- UPI -- Un incidente protagoniza pa elementonan juvenil a tuma lugar na e ultimo acto oficial na Belgica di vice presidente di Estados Unidos Hubert H. Humphrey quende su bishita na e pais aki a ser considera como "esencialmente positivo".

Como 50 manifestantenan a tira webu putri contra e auto den cual etabata viahando mientras na e mes tempu nan tabata grita: "Johnson y Humphrey ta asesinonan".

E vicepresidente no a ser alcanza pa e tiradornan dje proyectilnan revoltoso denter di cualnan tabatin hobennan cu barba caba tambe.

Segun nanta bisa: e partipantenan ta pertenece na e fraccion pro-Pekin dje partido Comunista, e grupo cu ya ta propicionando manifestacionnan contra Humphrey desde varios dia prome cu e reunion na Punta de Este.

Sin embargo un gran numero di persona a congrega rondo dje tumba dje solda desconoci, pa presencia e colocacion di un corona di flor na e monumento pa e vicepresidente di Estados Unidos, quende nana aplaudi y a grita bofona.

Antajera un viajero a splica e politica general di su pais na prome ministro Belga Paul van den Boeynants.

Humphrey a entrevista tambe cu president dje mercado comun europeo, Walter Halstein, quende senjale cu europa ta calcula cu e serie Kennedy di negociacionnan riba aranceles avanzero lo conclui cu bon exito den poco tempu y ta sirbi pa alenta e trafico comercial trasatlantico.

E vicepresidente norteamericano a bishita tambe su compatriota e comandant supremo di fuerzan di Organizacion di Tratado Atlantico di Norte (OTAN), general L. Lyman L. Lemnitzer, quende a sigure cu e cuartel

central dje potencianan aliá na Europa ya a completa nan salida foi Francia y ta opera awor suficientemente su sede nobo na Belgica.

E incidente registra den inmediacionnan dje monumento na e solda desconoci a ser produci na instantenan den cual e vehiculo cu Humphrey tabata ocupa a acerca un dje ultimo interseccionnan.

Ora cu e motociclistanan a pasa cu tabata bai dilanti dje auto dje vicepresidente, varios hobennan a cuminsa ta grita y luego nan a tira e auto cu webu putri, mientras algun dje webunan a dal contra dje glasan dje auto. Pero e maniobra a ser entorpedi pa presencia di lo demas personanan cu tabatin na e skina

Den e circunstancianan ey e caso a ser ripiti y foi e skina aki por a tende gritunan manera entre otro: "Yanqui, bai bo cas"

AMENAZA Y MALTRATO

SAN NICOLAS - Diadomingo un dama a duna keho na Recherche di San Nicolas contra un otro dama. Esun prome a bisa cu e otro a menase cu un cuchu. Un dama a worde transporta pa San Pedro Hospital pa observacion, despues cu un homber a comete e acto tan barbaro di a bati e dama aki cu schop den su barica. E dama tin seis luna na estado. Recherche a traha procesverbaalnan correspondiente.

UN TRAS DI OTRO

POOS CHIQUITU - Diavlerne anochi pa dies'or y cuarto riba caminda grandi na baltura di Poos Chiquitu a ocurri un accidente entre dos auto di familia. Un di e vehiculonan aki a stop y e otro a core dal su tras. E danjo material ta Fla. 400,-.



Profesor Lorenzo Ferri, quende a dedica 35 aña pa studia e aspecto-nan fisico di Hesucristu, aki ta cortando den palu e cara di Cristu, manera segun Ferri, tabata ora cu nan a baha Cristu for di cruz. El a traha e estatua, utilizando e pafianan cu e cara di Cristu marca riba dje y qu ta actualmente na Turin. Ferri a declara qu un di e cosnan qu el a hafia sa ta qu Cristu tabata midí 1,87 meter. - UPI Radiophoto, -



**Tabaco...
FINO!
Humada...
PURO!**



**CASINO
CHARCOAL FILTER**

PERISCOPIO MUNDIAL

Iglesia ke "Democracia Autentico" na Spanja

MALAGA (Spanja) den e declaracion mas energico y preciso riba e papel di hende den sociedad, cual ta conosi for di fin di guera civil, Jerarquia di Iglesia Catolico a anuncia un programa pa pone e autoridadnan estableci un "Democracia Autentico" na Spanja. Iglesia, conservador pa tradicion y ya pa hopi anja un pilar di apoyo di Generalissimo Francisco Franco, a pone su mes abiertamente y francamente na banda di e forsan cu ta bisa liberacion di e regimen cu durante 30 anja a goberna e pais.

E documento Catolico ta afirma concretamente cu tur e ciudadanonan tin e "derecho y deber" pa participa den bida publico y politico di e nacion y ta agrega cu ningun persona o grupo mester mantene monopolio di poder pa determina kiko ta e "bien comun" di pueblo di un pais.

Intento di Gran Bretaña pa reduci e impacto de declaracionnan haci pa e mision di Nacionnan di Uni.

LONDEN -- Gobierno a organiza un serie di movimientonan diplomatico, destiná pa contra-aresta efectonan di e declaracionnan cual a ser haci pa Dr. Manuel Perez Guerrero di Venezuela, Hefe di e mision di Nacionnan Uni na Aden, Asina cu e grupo aki di e organizacion mundial a bandona Aden abruptamente, acusando Inglaterra di no a copena. London a manda mensahenan diplomatico urgentemente pa tur pais den un intento pa reduci e impacto di e declaracionnan di e mision.

E alto comisionado den federacion di Malaya, Samuel Falle, a ricibi orden pa sali Kuala Lumpur y bai Aden, como principal asesor di Lord Shackleton, pa studia cuidadosamente politica Britanico den e zona di e puerto estrategico riba Mar Rojo.

Descuido tabata causa principal di e tragedia di Apollo-i

CABO KENNEDY (Florida) -- Un chispa cu a ser produci den e conexcion cual a ser haci cu poco cuidao, y algun descuido den e precaucionnan di seguridad cu e "Equipo" mester a tuma tabata causa di e tragedia di e nave espacial Apollo-I den cual 3 astronauta a perde nan bida, 27 di Januari ultimo. Ora e informacion aki riba a desastre mas grave espacial a ser duná, e hunta di expertonan a critica repetidamente e disño di e manufactura di e capsula Apollo-I y a declará cu en lo futuro, hopi mester worde haci pa e proximo nave ta mas sigur cu esun promer mester tabata.

HOROSCOPO

ARIES (mar. 21 a abril 19) Concéntrate en los asuntos más prácticos a mano y después piense como lograr ser más prospero. Cerciorese de pagar cierta deuda. No siga demorandose o se meterá en un lio.

TAURO (abril 20 a mayo) Su sensación de limitación puede ser eliminada haciendo planes sobre como mejorar las condiciones a su alrededor. Cerciorese también de mejorar su apariencia.

GEMINIS (mayo 21 a jun. 20) Aunque se siente algo desanimado, podrá hacer un esfuerzo esta tarde y planear como terminar su trabajo, rápidamente. Sea optimista. Usted necesita adoptar una actitud más romántico.

CANCER (jun. 21 a jul. 22) Usted está muy interesado en sus compañeros de trabajo, pero espere para ayudarlos. Trate de ser más práctico.

LEO (jul. 23 a ago. 22) Evite a sus superiores, puesto que no están de muy buen humor. Más tarde encontrará que ellos apreciarán sus atributos le ayudarán a avanzar más rápidamente. Olvide los negocios y diviértase esta noche.

VIRGO (ago. 23 a sept. 22) Las nuevas ideas y proyectos pueden ser operables, pero requieren más estudio antes de que eso sea posible. Consiga la información extra que necesita. No deje que un conocido nuevo lo atemorice.

LIBRA (sept. 23 a oct. 22) Si se apura con lo relacionado con sus deberes podrá entonces

reunirse con una persona que aprecia mucho. Cerciorese de manipular los negocios eficientemente. Sea cabal.

ESCORPION (oct. 23 a nov. 21) Si exigente con sus asociados podrá hacer enemigos, de modo que vaya despacio y todo saldrá bien. Tenga cuidado de controlar su genio. Viva del lado alegre de la vida.

SAGITARIO (nov. 22 a dic. 21) Aunque usted cree que tiene mucha tarea acumulada, si se pone a trabajar enseguida la terminará en un cerrar y abrir de ojos. Haga algun ejercicio que lo ponga en buenas condiciones físicas.

CAPRICORNIO (dic. 22 a ene 19) Sus deseos son de divertirse, pero ocúpese primero de las tareas que tiene delante. Felicite a un socio que se ha portado muy bien. La noche puede estar repleta de felicidad y alegría.

ACUARIO (ene 20 a feb. 18) Los asuntos fundamentales necesitan más atención y estudio de su parte y entonces encontrará su posición más segura. Algunos problemas serios no serán resueltos hasta la noche.

PISCIS (feb. 19 a mar. 20) Camine o guíe con cuidado el día para que pueda continuar con sus grandes planes en la noche. Sea muy atinado cuando haga sus informes. Los errores pueden ser costosos.

SI SU HIJO NACE HOY.....
Será uno de esos hombres que pueden darse cuenta en seguida de las faltas y errores y sea en los escritos o de otras clases. Esta es una gran habilidad que puede usarse con gran ventaja

CAMPAÑA CONTRA PRESIDENTE CHINO TA CONTINUA INTENSO

HONG KONG -- UPI -- E fuerza nan adicta na e maximo lider di China Comunista, Mao Tse Tung, a intensifica nan campanja contra president dje pais, Liu Shao-Chi, segun e diario Derechista local "New Life" Evening Post" a informa.

Viajeronan cu a caba di jega recientemente foi Canton ta bisa cu mas di millares di estudiante a bandona nan klasnan den e ciudad ey, convoca pa autoridadnan Maoista, pa lucha contra siguldornan di Liu.

E presidente Chino a muestra un fuerte oposicion contra Mao durante e reunionnan partidario alto nivel, pero e anciano dirigente no por a deshaci ainda dje veterano funcionario comunista, aparentemente, pa medio dje canalnan regular dje partido. Como president, Li por a dispensa proteccion di su amiguan durante hopi anja, manteniendo awor firme den su posicion y contando probablemente cu gran numero di partidario den filanan comunista. Sin embargo Maoistan a intensifica ultimamente nan esfuerzonan pa kita podernan di Lui foi dje.

Informenan no-confirma dje pais vecino a bisa cu Lui a rechaza un formula di compromiso ofreci pa Mao, pa resolve e disputa entre ambos lider y pone un fin na e luchanan intestina.

E viajero di "Post" a bisa cu majoria dje estudiantenan mobiliza ta den accion cargando number di Guardias Rojas, na quende previamente nan a ordena di bandona nan estudionan. Segun e periodico, e estudiante-

nan aki y nan fuentenan, tabata recorren e cajan di Canton den incontable gruponan di ocho of diez persona, buscando ademas di cas pa cas bukinan skirbi pa Liu i haciendo despues cu esakinan auto fe den plebe via publica.

Ei a agrega cu e hobennan Maoista ta tumando number dje propietarios dje bukinan aki y transmitiendo esakinan na ehército of na servicionan di seguridad, debi na loke millares di persona a ser deteni caba den e ciudad meridional populoso aki.

Radio oficial di Canton a admiti cu e actividadnan pro-Maoista a disminui pa motibu di disputanan interna, denunciando cu guerrilleronan aki a tarda cu e planan di pone tur e Maoistanan bao di un solo organizacion.

Entretanto e semanario "Asian Weekend" ta publica na ingles den e colonia britanica aki cu e vice-prome ministro y ministro di relacionnan exterior chino, Chen Yi, den e "Tisebas (perio-

diconan mural) di Guardia Roja como cu el a molestia esposa di Mao, Chiang Ching, y su amiguan.

E revista ta bisa cu den su propio fuentenan na Pekin na informacion cu Chen a acusa e esposa di Mao di ta ignora pensamentu dje maximo lider di China Roja. Despues di a nenga di discuti cu e dama y otro dirigentenan dje revolucion cultural respecto e sucesonan.

Chen ta dirigi personalmente den cancelleria e departamentu cutin na su cargo e kestionnan relaciona cu e colonia britanica y e enclavenan portuges.

Segun e informacion, Chen a bisa na Senjora Mao cu su nombramiento frente e departamentu ey, a ser haci pa e prome ministro Chou-En-Lai, quende a dune instruccions precisas pa no trata cu nada e situacion di Macao y Hong Kong sin consulta prome cu Mao.

Awe nochi nan ta parti Oscar

SANTA MONICA, California -- UPI -- Ta existi e posibilidad di qu awe nochi lo no tin transmision na television di e di 39 presentacion anual di e premio Oscar di e Academia di Artes y Ciencias cinematografica di Hollywood den e auditorio civico di e ciudad aki.

Obreronan y artistanan tabata trahando duru ayera pa duna e ultimo toque final den e studionan y e numbernan di produccion mientras qu na miles di kilómetro di distancia, lidernan sindicalista y representantenan di e tres principal cadenan di television, tabata tratando di haña un solucion pa e welga di artistanan di radio y television qu ta ABC, CBS y NBC.

Prome qu e welga, ABC tabatin un contra di 1.5 million dollar cu Eastman Kodak Co., pa transmision directo di entrega di e premionan. Di e suma aki, e Academia di Arte Cinematografica y Ciencia mester a haña 700,000 dollar.

Siman pasá, Arthur Freed, presidente di e Academia, a dicidi di sigui cu su programa, sea qu e ser transmiti of no door di television.

E candidatonan qu a ser designa pa gana un Oscar den e tres principal categorianan e aña aki ta:

Miñor actor: Alan Arkin pa su papel den "The Russians are coming, the Russians are coming".

Richard Burton pa su papel den "Who's afraid of Virginia Woolf"?

Michael Caine pa su papel den "Alfie"; Steve McQueen pa su papel den "The Sand Pebbles" y Paul Scofield pa "A man of all seasons". E nominadonan como miñor actriz ta:

Anouk Aim pa "Un hombre y un muher"; Ida Kaminska pa "The stop on main street"; Lynn Redgrave pa "Georgy Girl"; Vanessa Redgrave pa "Morgan" y Elizabeth Taylor pa "Who's afraid of Virginia Woolf"?

E pelicularnan qu ta bini na consideracion pa gana un Oscar ta A man of all seasons, The Russians are coming, The sand Pebbles y Who's afraid of Virginia Woolf?

PRINCIPE DI CAMBOYA A ACUSA MERCA

PHNOM PENH, Camboya -- UPI -- E hefe di estado, Principe Norodom Sihanouk, a califica Merca como "agresor na Asia", durante un ceremonia qu a tuma lugar den embahada sovietica na Camboya y durante cual nan a hasi entrega simbolica di material di guerra ruso.

E cargamentu qu a ser entregá simbolicamente ta consisti di cinco avion MIG-17 jet, dos avion Antonov-12 di transporte, ocho cañon anti-aereo y diesun truck.

BATALLA ENTRE ESTUDIANTE NAN Y POLIS NAN NA NASHVILLE

NASHVILLE, Tennessee -- UPI -- Polisnan ayera nochi tabatin un tiroteo cu estudiantenan qu a rebela, ora qu e violencia causá pa motibunan racial a plama den e ciudad aki. Un estudiante di color a ser alcansa pa un bala den su garganta.

Mas o menos cincuenta polis, tras di nan autonan patrullero y un muraya di piedra, a enfrente 300 estudiante qu tabata bati nan cu piedra y qu tabata tira riba nan.

Durante e encuentro nan a los mas qu 100 tiru. E encuentro

mes a tuma lugar den vecindario di Universidad di Tennessee y originalmente e violencia a cuminsa den e universidatnan di Fisk y Meharry, caminda tin exclusivamente hende di color ta studia.

Polisnan a dicidi di retira pero sin perde e estudiantenan for di bista ya cu nan a sigui cana den e zona.

En total 15 persona a ser heridá y 40 otro deteni den e disturbionan qu a cuminsa ayera nochi.

RIP KIRBY

JAN BODEGOM & CO (ARUBA N.V.)

Agente exclusivo

FRIESCHE VLAG

lechi evapora y lechi en polvo.

MAXWELL HOUSE KOFFIE



DICK TRACY

presenta pa cortesia di:

VICTORIA BOTTLING

PEPSI COLA-SEVENUP-GRAPETTE-KIST--

VICTORIA SODA WATER-BUFFALO ROCK--GINGER ALE



PEPATA



"AMOR DI UN DOKTER JOVEN"

Y ta kiko ei a bin haci serca dje? Mientras e ta tratando pa principia un combersacion, Juliet ta sorpresé bisando: "Mi a bin pa papia cu bo di Dr. Jeff." Asombrá Marlien ta plooi su frenta. "Pa papia tocante Dr. Jeff? Pakiko Juliet? Ta kiko ami cu bo tin di papia di dje?" "Bo sa cu mi ta comprometi cu né, no ta berdad?" Na un tono cariñoso Marlien ta bisa: "Mi kier sa cu mi a tende un rumor asina." "E sa bin serca bo?" "Ta bin asina tanto hende serca mi Juliet. Pero ta ki intencion bo tin." "Bo no mester lagué bin akinan mas", Juliet ta bisa. "E hendenan ta papia hopi cos. "Papia kiko?" "Wel ya cu bo ta un muhe cu edad basta halto compará cu esun di Jeff, ta masha simpel pa comprende, cu Jeff no ta interesa den bo, Mi kier meen Mi kier meen.....tocante sali juntú cu né, y e cosnan ey, pero parcé cu bo tin un influencia grandi riba dje, y e hendenan ta bisa cu... "Juliet ta cuminsa pe-

ga y no por sigui papia mesora ya cu Marlien ta keda miré duro den su cara. Ora esaki ta ripara cu Juliet a bira necioso e ta bisa: "Mihor bo sera bo boca Juliet. Bo por mira cu bo ta un mucha ainda. Mi ta sigur cu ningun hende lo bay papia algo malu di Dr. Jeff su bishitanan na Huize Hill. Y bo tin nodi binatrobe serca dje cu coy loco. "Scuchami un rato Juliet. Mi kier Dr. Jeff hopi bon. Semper mitabata contento ora e bin serca mi, y di su banda e tambe tabata bin cu tur su smaak. Pero no kere cu mi ta corre su tras. E no kier casa cu mi.....y keremi, cu tampoco e kier casa cu bo. Y segun mi Ju-

liet e no ta namorá di bo". Juliet su cara a bira corra di rabia. "Ta ki mishi bo bisa asina? Siendo cu nos ta comprometi cu otro." "Di berdad Juliet?" Marlien ta puntra tranquil. "Kizas por ta interesabo di sa, cu hasta Jeff mes ta nenga cuta berdad." "Ha radamente bisá, ami ta kere cu semper tabata tin solamentes un mucha muhe cu tabata di interes pa Dr. Jeff Hillman." "Casi sigur bo kier mesor Rosa Koen, no ta asina?" "Si, asina mes." "Pero Jeff mes a jega di bisabo algo di dje cu Rosa?" "Ami ta kere, cu Jeff mes no ta realisé ainda, pero e tempo lo percurá pa esey. Pakiko bo no ta lagué na pas? Usa bo sinti Juliet. Bo tin henter bo bida bo dilanti ainda. Kiko bo ta gana pa obliga un hombre casa cu bo, mientras e no ta stimabo? Si, asina mes, ta obliga bo ta obligué casa cu bo. Mi tambe a tende e cuenta di bo aventura e anochi aya cu Jeff. Y mi no ta haya esey un bon base pa un matrimonio. Mi ta sigur cu no a pasa nada entre boso dos e ano-

chi ey, y mi no ta mira ki obligacion Jeff tin pa casa cu bo". Pa promé biaha den su bida Juliet no sa kiko pa bisa. Net e kier a lanta pa bay, ora e ta bolbe tende Marlien bisa: "Tuma pa perdi Juliet, goza bo bida cu mucha hombre di bo edad y probecha un poco mas di bo bida. Bo ta mucho joven pa pensa casamento, y bo sa masha bon, cu no tin ningun motibo pa bo ta comprometi cu Jeff. Bo a usa esey dijles pa un disculpa pa...". Mesora Juliet ta bula lanta. "Bo ta sin manera!", e ta bisa irritá y su wowonan ta brillala di rabia. "Kizas", Marlien ta contesta. "No pa malo, pero tin hende cu no ta gusta tende berdad. Ioke mi bisa ta pa yuda Jeff Hillman. Y abo tambe tin algo di haci cu esey. Di mi, bo no ta haya ningun molester, pasobra pronto mi ta bay di akibanda, pa no bolbe nunca mas." Juliet ta corre jega na e porta, y Marlien ta sigui su tras. Na un tono baho e ta bisa: "Pero mi ta sigurabo Juliet, cu si bo logra toch pa pone Jeff casa cu bo, sea door di bo triki sushi, of door di caballerosidad di Jeff su banda, henter bo bida lo keda duel bo. Pasobra Rosa Koen lo keda semper meimei di boso dos." Un rato despues Marlien ta tende e Cadillac ranca speed bay. E ta hari den su mes y ta pensa: "Kizas mi no mester a traté asina duro. Pero mi a haci pa yuda Jeff. E mucha muher ey no ta nifica nada pé...". E anochi ey Juliet no tin sosiego. El a bay bisa su mayornan, cu ya e nopor soporta e papiamiento di e hende-

NACHTDIENSTEN: Oranjestad-Botica del Pueblo Tel.: 1253-2154 San Nicolas - Botica San Lucas tel: 5119
DOKTERSDIENSTEN: Oranjestad - Noord 8/9 April Dr. T.H.K. Lin
San Nicolas-Sav-Sta. Cruz 8/9 April Dr. H. Dennert

PELICULA

De Veer: 2.00 p.m. "Frontier Rangers" 14 j
8.30 p.m. "One Spy Too Many" all
Rialto: 8.00 p.m. "Hootenanny Hoot" all
Principal: 8.00 p.m. "El Rostro Oculto" 18 j
Aurora: 8.00 p.m. "This Is my Street" 18 j
Savaneta: 8.00 p.m. "Ten Little Indians" all

TELE-ARUBA

5.00 Secret Storm
5.30 Cartoons
6.00 U.S.I.S.
6.30 Educat. Program
6.45 International News in Papiamentu
7.00 Batman
7.30 Sportnews in Papiamentu
7.45 Wild Wild West
8.45 International & Local News in English
9.00 Man from U.N.C.L.E.
10.00 International news in Dutch
10.05 77 Sunset Strip
11.00 Sign Off

DETROIT--UPI--Autoridadnan federal a empuende ayera un operacion vasta pa hanja un avioneta, cual segun un denuncia anonima, lo ta emplea pa bombardea Casa Blanca y atenta contra bida di Lindon B. Johnson. E aparato cu ta un Piper Cub color blauw, a ser descubri na aeropuerto di Willow Run, despues cu e informante anonima a bisa cu un hombre a dirigi e aparato aki na aeropuerto cu un tijdbom den dje pa atenta contra Johnson. Riba pregunta di poliznan respecto e empresa aerea pa quende e supuesto agresor, e informante a bisa: "E tin su propio avion Piper Cub cu dos strea blauw."

Autoridadnan a despacha patrullanan pa tur e aeropuerto-nan dje zona di Detroit, grandinan y chikitu, hanjando e aparato den esun di William Run. Un portavoz di poliznan a declara cu nan a empuende un investigacion pa determina e identidad di propietario dje maquina.

nan. Y Jeff no tin idea di casa pa caba, y pesey nan mester tuma medida contra dje. Generalmente Tommy Jacks ta un hende inteligente y orgulloso. Y pesey mes e ta bisa su yiu: "pero mi jiu stimá, si Jeff no ta stimabo, abo tampoco no mester stimé." "Si", Juliet ta keda insisti. "Mi ta sigur cu e tabata enamora di mi, y mi no ta comprende dicon el a cambia asina inesperá. Es decir si en berdad el a cambia. Mi kier celebra mi boda mas elegante posibel. Y mi kier casa cu Jeff Hillman. Bo mester papia cu né papa, bo mester bisé cu solamente un matrimonio por salba nos di e papiamiento di e hendenan." Porfin e tata a dicidi di manda jama Jeff, pa asina pone un fin na Juliet su nerviosidad. Despues cu Juliet a bira mas calmo, Jeff ta bay cu Tommy den e biblioteca pa papia e asunto. "Ta kiko ta pasando cu Juliet dokter?" "Mi no sa. Pero parece cu el a sinta worry masha hopi pa algo. El ahera bira historico. A sosede algo particular awe?" "Wel", Tommy ta cuminsa bisa, pero despues e ta keda keto. Pengativo e ta keda huma su sigi y despues e ta bisa: "Mi no ta sigur Jeff, pero mi ta kere cu ta door cu bo a aplaza e fecha di matrimonio." "Ki clase di fecha di matrimonio?" "Jeff ta corre puntra mesora. Tommy Jacks ta keda mire sorpresa y ta corre puntra mesora: "Pero boso no ta comprometi?" "Jeff ta sinti sumamente malo y como el a vacila, Tommy ta agregá: "Dijes bisa si of no."